

Se sedde ðme / se hedde dat sülven ghenomen /
 unde were of by ðrem Boden ghesomen /
 to Gandersem on ðres Vaders Stichte /
 God sülves des Königes harte berichte /
 allene wer et ðme swar unde Hardeleit /
 dat he et verdroch an guter Duldsheit /
 he dachte of / et en were ev also ghescheyn /
 God unse Here en hedde et vor geseyn /
 dat ðt darto Gandersem bliuen scholde /
 darümme en dorste he noch en wolde
 „ dat Hilghedom von Gandersem nicht entvernen /
 „ he vröchte ðt scholde ðme to der Zele werren /
 est heet von dar wedder neme /
 wat of dem Stichte daraf gutes qveme /
 dat schul gi hören / eck wil ðt ju saghen /
 Darna schere nach ümme negen Daghenn /
 also de Königinne den König bad /
 erhoff se seck an desülven Stad /
 dar sin leveste Schatt mit Eren was beholben /
 mildes Hertens dede God den König gewolden /
 unde gaf ðme twar also dane Synne /
 dat he droch des vil reinen Godes Nymme /
 unde dat he bleve an der hymmelschen Schare /
 Michel gud synes eghens gaf he alldare /
 Wantsleve is dessülven Ghudes Hovetdorp genannt /
 Unde heyt of by den Eyden Nortdoringen Land /
 dar Wantsleve mit synen Dorpen is ghelegen /
 so lange hebben aver das de Sassen pleghen
 dat nu daraf het Ostes Sassenland /
 seyð / also is deme Lande sin Name vorwand /
 of ligen twee Dorp an Sud Töringer Land /
 ein Erich / dat andere Tenstede ghenant /
 wat he darinne hadde eghenes gudes /
 dat gaf he all to Gandersem vries Nudes /
 von königlicher Walt gaf he of dem Stichte /
 dat dar neymand overen hedde wertlick Berichte /
 wen dat et de Ebdische sülven helbe /
 de to der Ebdige mit Rechte ghewelde.